

SCRIPTA

Numéro Scripta : 1825

Auteur(s) : Robert II des Ablèges, Bayeux (évêque)

Bénéficiaire(s) : Cerisy-Belle-Étoile, Notre-Dame de Belle-Étoile (abbaye)

Genre d'acte : charte

Authenticité : non suspect

Datation : 1216, 28 avril

Action juridique : confirmation

Langue du texte : latin

Analyse

Robert, évêque de Bayeux, confirme la fondation de l'abbaye de Belle-Étoile par Henri de Beaufou et les donations faite par celui-ci.

Tableau de la tradition

Éditions principales

a. Piolin Paul, Sainte-marthe Denis de, *Gallia Christiana in provincias ecclesiasticas distributa*, t. XI, Paris, Palmé, 1874, Instrumenta ecclesiae Bajocensis, n° XXXVI, col. 95-96.

Texte établi d'après a

Universis sanctæ matris ecclesiæ filiis ad quos præsens scriptum pervenerit, Robertus, Dei gratia Bajocensis episcopus, salutem in auctore salutis. Noverit universitas vestra Henricum de Bella-fago nobilem virum fundasse quamdam abbatiam Præmonstratensis ordinis de proprio suo, in loco qui dicitur Bella-stella, in parochia sancti Johannis de Ceresio ; cui abbatia et canonicis regularibus Præmonstratensis ordinis ibidem Domino servientibus dedit per manum nostram in puram, liberam, quietam et perpetuam eleemosynam, pro salute animæ suæ et Ediciæ uxoris suæ, heredum suorum, et antecessorum et successorum suorum, locum in quo eadem abbatia sita est, et nemus eidem abbatia adjacent, sicut inde factæ literæ demonstrant, etc. Nos vero pium factum et saluberrimum prædicti nobilis viri Henrici approbantes, ad petitionem et instantiam ipsius, intuitu caritatis et sanctæ religionis, præfatam abbatiam et ipsum locum in quo fundata est, cum omnibus pertinentiis suis, et cetera omnia quæ infra chartam istam annotantur, episcopali auctoritate, præsentis et chartæ et sigilli nostri munimine sæpe dictis canonicis cum quittantia et libertate perpetuis temporibus possidenda confirmavimus. Actum est hoc anno ab Incarnatione Domini 1216, videlicet IV kalendas Maii.